



Fondacija Udružene žene Banja Luka
adresa: Kalemegdanska 18, 78 000 Banja Luka, BIH
tel: 051/462-146 fax: 051/463-143
web: www.udruzene-zene.org
e-mail: fondacija@udruzene-zene.org

Datum: 17.10.2024.

Broj: 103/24

Za: BIH NOVINARI

Predmet: Inicijativa za odgovorno izvještavanje o nasilju nad ženama i nasilju u porodici

Poštovani/e,

Fondacija „Udružene žene“ vam se obraća sa inicijativom kojom pozivamo sve medije u Bosni i Hercegovini da u izvještajima i objavama koje se odnose na nasilje u porodici i nasilje nad ženama uvedu standardnu praksu dodavanja ključnih informacija o dostupnim resursima za pomoć i podršku.

Predlažemo uključivanje jednostavnog, jasno vidljivog teksta na kraju svakog članka, priloga ili izjave o nasilju nad ženama i u porodici, sa sljedećim informacijama:

Prijava nasilja:

"Nasilje možete prijaviti pozivom policiji na broj 122 ili se obratiti najbližoj policijskoj stanici"

SOS telefon:

"Ukoliko ste žrtva nasilja ili poznajete nekoga ko jeste, pomoć možete dobiti putem SOS telefona:
1264 Republika Srpska, 1265 Federacija Bosne i Hercegovine"

Cilj ove inicijative je doprinos stvaranju medijskog prostora koji ne samo da izvještava o problemu, već aktivno doprinosi borbi protiv nasilja, podiže svijest i pomaže žrtvama da pronađu podršku.

Svako medijsko izvještavanje o nasilju nad ženama i nasilju u porodici ima dalekosežan uticaj na javnu svijest i na same žrtve. Mediji su moćan alat za informisanje i edukaciju, te upravo zbog toga smatramo da bi svaki izvještaj trebalo da sadržava informacije koje direktno upućuju na način kako prijaviti nasilje i kako je moguće dobiti podršku. Na taj način pružamo konkretnu pomoć onima koji su u nasilnim situacijama i možda još uvijek nisu svjesni svojih prava ili ne znaju kome se obratiti.

Nadamo se da ćete podržati našu inicijativu i učiniti korak naprijed u izgradnji društva u kojem će nasilje nad ženama biti prepoznato, prijavljeno, i na kraju zaustavljeno.

Za sve dodatne informacije stojimo Vam na raspolaganju.

Gorica Ivić, izvršna direktorica